

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23) i člana 46. stav (1), a u vezi sa članom 37. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 37. sjednici, održanoj 26.07.2024. godine, d o n o s i

ODLUKU

o usvajanju Programa utroška sredstava od koncesija za 2024. godinu

Član 1.

(Predmet)

Usvaja se Program utroška sredstava od koncesija za 2024. godinu, u razdjelu 23. budžetska organizacija 01, potrošačka jedinica 0001 Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24), ekonomski kod 614100, NAD 413, pozicija „Realizacija projekata Vlade koji se finansiraju iz prihoda od koncesija” u iznosu od 256.500,00 KM (slovima: dvijestotinepedesetšesthiljadapetstotina konvertibilnih maraka), koji čini sastavni dio ovog Odluke.

Član 2.

(Način realiziranja sredstava)

Sredstva planirana ovim Programom utroška sredstava realizovat će se isključivo u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.

(Realiziranje Odluke)

Za realizaciju ove odluke zadužuje se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-13465/24
Datum, 26.07.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i
vodoprivredu,
1x Ministarstvo finansija,
1x „Službene novine Zeničko-dobojskog kantona“,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**PROGRAM UTROŠKA SREDSTAVA OD KONCESIJA
ZA 2024. GODINU**

ZENICA, juli 2024. GODINE

I NAZIV PROGRAMA

Program utroška sredstava od koncesija za 2024. godinu, u razdjelu 23. budžetska organizacija 01, potrošačka jedinica 0001 Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24), ekonomski kod 614100, NAD 413, pozicija „Realizacija projekata Vlade koji se finansiraju iz prihoda od koncesija”.

II ZAKONSKI OSNOV ZA PROGRAM

Zakonski osnov za donošenje Programa utroška sredstava od koncesija za 2024. godinu je sadržan u članu 37. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24), kojim je utvrđeno da će se budžetska sredstva na poziciji „Realizacija projekata Vlade koji se finansiraju iz prihoda od koncesija“ koristiti prema programu utroška koji donosi Vlada Kantona, a u članu 46. stav (1) je utvrđeno da nadležno ministarstvo predlaže Vladi Kantona program utroška sredstava iz člana 37. istog zakona.

III SVRHA PROGRAMA

Stvaranje zakonskih preduslova za dodjelu koncesija na vodama, zatim poboljšanje stanja vodnih resursa koji se mogu dati na korištenje putem koncesije, odnosno finansiranje/sufinansiranje projekata prema aplikacijama JLS za ove namjene, sa ciljem unaprjeđenja stanja u ovoj oblasti i povećanja prihoda JLS i Kantona.

IV IZVORI FINANSIRANJA

Navedena sredstva ostvaruju se u Budžetu Zeničko-dobojskog kantona po osnovu koncesionih naknada za dodijeljene koncesije na vodama na području Zeničko-dobojskog kantona, koja pripadaju Ministarstvu za poljoprivredu, šumarstvo i vodoprivredu. Naime, od svake uplate po osnovu koncesije na vodama, prema Odluci o načinu raspodjele i korištenju sredstava prikupljenih po osnovu kontinuirane i jednokratne naknade od koncesija („Službene novine Zeničko-dobojskog kantona“, broj: 1/13 i 11/22), 70% sredstava prebacuje se na račun grada/općine na čijem području se realizuje predmet koncesije, a 30% sredstava pripada Kantonu. Dakle, ovaj Program utroška odnosi se na sredstva koja po navedenoj raspodjeli ostaju Kantonu.

V VISINA I NAČIN UTROŠKA SREDSTAVA

Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24) u razdjelu 23, budžetska organizacija 01, potrošačka jedinica 0001, ekonomski kod 614100, NAD 413, pozicija «Realizacija projekata Vlade koji se finansiraju iz prihoda od koncesija», planirana su sredstva u iznosu od 256.500,00 KM (slovima: dvijestotinepedesetšesthiljadpetsto konvertibilnih maraka).

U vezi sa navedenim, planira se realizacija slijedećih projekata:

1. Naziv projekta: Realizacija nezavršenih projekata planiranih/ugovorenih u 2023. godini po Programu utroška sredstava od koncesija za 2023. godinu.

Cilj projekta: Realizirati ugovore iz 2023. godine čija se realizacija prenosi u 2024. godinu, a navedeni su u **Tabeli 1**.

Iznos sredstava: 109.109,30 KM

Tabela 1.

Redni broj:	JLS	Naziv projekta	Ugovoreno /Planirano (KM)
1.	Općina Maglaj	Rekonstrukcija i izgradnja mosta Palučak i lokalnog puta Jablanica – Donji Rakovac – pećina Megara u Maglaju	15.000,00
2.	Općina Olovo	Sanacija puta prema zaštitnoj zoni i rezervoaru vode za piće gradskog vodovoda Zeleni vir I faza	15.000,00
3.	Općina Tešanj	Izgradnja kanalizacije Šije, glavni kolektor (nastavak izgradnje)	15.000,00
4.	Općina Usora	Rekonstrukcija postojećeg lokalnog puta u Alibegovcima kroz Tokme	15.000,00
5.	Općina Vareš	Izvođenje radova na sanaciji dijela lokalnog puta Križ-Sastavci	20.000,00
6.	Općina Olovo	Sanacija lokalne infrastrukture, dio lokalnog puta Liješnica u naselju Čuništa, Olovo	29.109,30
UKUPNO:			109.109,30

2. Naziv projekta: **RASPODJELA SREDSTAVA PO OPĆINAMA/GRADOVIMA ZA 2024. GODINU**

Iznos sredstava: 147.390,70 KM

REKAPITULACIJA:

R.br.	NAZIV	Planirano (KM)
1.	Realizacija nezavršenih projekata planiranih/ugovorenih u 2023. godini po Programu utroška sredstava od koncesija za 2023. godinu.	109.109,30
2.	Raspodjela sredstava po općinama/gradovima za 2024. godinu	147.390,70
UKUPNO :		256.500,00

VI KRITERIJI ODABIRA PROJEKATA I NAČIN UTROŠKA

Sredstva planirana Programom utrošiti će se za finansiranje ili sufinansiranje projekata prema Javnom pozivu za dostavljanje aplikacija Jedinica lokalne samouprave (u daljem tekstu: JLS) i to za:

- Izradu studija o ekonomskoj opravdanosti dodjele koncesija na vodama,
- Revitalizaciju izvorišta voda koja se mogu dati na koncesiju,
- Izgradnju/sanaciju javne lokalne putne infrastrukture u funkciji korištenja potencijalnog predmeta koncesije

Ukoliko se kandiduje izrada studije o ekonomskoj opravdanosti, potrebno je dostaviti projektni zadatak sa definiranim sadržajem studije u skladu sa Odlukom o usvajanju dokumenta o politici dodjele koncesija („Službene novine FBiH“, broj: 64/05).

Za revitalizaciju izvorišta voda i izgradnju javne putne infrastrukture uslov za razmatranje projekta je izrađena projektna dokumentacija i izdato odbrenje za građenje.

Kriteriji odabira kandidovanih programa i projekata, definirani korištenjem Smjernica o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 37/24), u mjeri u kojoj je primjenjivo, biće sastavni dio Javnog poziva, a to su

Kriteriji	Max. Bodovi
1. Projekti koji imaju veći stepen vlastitog učešća	60
2. Projekti za koje se očekuju najveći finansijski efekti ostvareni korištenjem predmeta koncesije	25
3. Projekti čiji rezultati će se nastaviti koristiti od strane krajnjih korisnika	15

Ministarstvo će imenovati Komisiju za utvrđivanje i provođenje Javnog poziva.

Uslov za razmatranje i odabir je popunjen aplikacioni obrazac, koji će biti sastavni dio Javnog poziva.

Ministarstvo se obavezuje da sa onim JLS čiji projekti budu odobreni zaključiti sporazum, kojim će biti regulisane međusobne obaveze i način realizacije odobrenih sredstava. Rokovi za potpisivanje ugovora o prenosu sredstava postavljeni u sporazumu se moraju ispoštovati.

VII IZVJEŠTAJ O UTROŠKU SREDSTAVA

Gradovi/općine kao korisnici doznačenih sredstava dužni su dostaviti Ministarstvu za poljoprivredu, šumarstvo i vodoprivredu izvještaj o namjenskom utrošku sredstava prema potpisanim Sporazumima do 31.03.2025. godine. U slučaju da korisnici doznačenih sredstva ne dostave izvještaj o namjenskom utrošku sredstava do ostavljenog roka neće imati pravo aplicirati za dodjelu sredstava u narednoj fiskalnoj godini.

O utrošku namjenskih sredstava po ovom Programu, Ministarstvo za poljoprivredu, šumarstvo i vodoprivredu dužno je polugodišnje i godišnje izvještavati Vladu Zeničko-dobojskog kantona.

Broj: 02-11-13465/24
Datum, 26.07.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i
vodoprivredu,
1x Ministarstvo finansija,
1x „Službene novine Zeničko-dobojskog kantona“,
1x a/a.